

halden, daz sie die obgenantin czwei hundirt schok versiczen sullen an der gulde und an der rente, die sie den herren zu geben phlichtik sint. Wann sie denne die obgenantin czwei hundirt schock, alz do vore geschreben stet, versiczen ganz und gar, so sullen wir, adir ab wir nicht weren, der egenante unser herre der kaiser, syne erben adir nochkomelinge derselben gulde und rente wedir wartin. Ouch globen wir den obgenantin . . 5 ratluten, gesworn und ganzir gemeinde der stat Kamencz, daz wir sie bei allen iren rechtin, gnaden und guten gewonheiten, die sie von aldirts biz an dese czyt von aldin herren gehabt han, genczlich lassen wollen ungehindert. Mit orkunde dicz briffs, den wir mit unser guten wissen versigilt haben lassen werden zu einem bekentnisse der obgeschreben sachen. Der ist gegeben zu Budessin am dinstage vor der heiligen Philippi 10 und Jacobi tak noch gotis geburt tusunt jar dryhundert jar in dem vier und sechzigisten jare.

32.

Kaiser Karl IV. bestätigt das zwischen seinem Schwager, dem Herzog Bolko von Schweidnitz, und der Stadt Kamenz getroffene Abkommen, daß dieselbe die zu ihrer Lösung gegebenen 200 Schock an 15 ihren alten Zinsen und Renten versetzen solle.

Kant, 1365 Oct. 9.

Hdschr.: Or. Pap. Stadtarchiv Kamenz No. 293 olme S.

Wir Karl von gotis gnodin Romischer keyser, zeu allin czytin merer des || richis und konig czu Behem, bekennen und thun kunt offintlichen mit desim || briffe alle den, dy in sechin adir horin lesin. Wen der hochgeborne || Bolke herczog czu der Swidencz, 20 unser liber swoger und forste, mit den burgern und der gemeyne der stat Camencz alzo obireyn ist komen umme dy vyrhundirt schok grosschin, dy se czu der losunge derselbin stat gebin und bezalt haben, daz se und ir stat dyselbin czweyhundert schok an erin aldin czinssin und rentin vorsyczen sollen noch laute der briffe, dy her in under synem ingesegil dorobir gegebin hot, dorumme ist unser meynenge und thun in dese gnade 25 mit desem briffe, daz se doby ganzlichen bliben sollen und dyselben czweyhundert schok vorsyczen in alle der mosse, alz unsers egnantin swogirs briffe sprechin, von uns und unsern erbin, konigin zeu Behem, ungehindert. Mit urkunde desis briffis vorsegilt mit unser keyserlichen majestat [ingesegil]. Gegebin czum Kant noch gotis gebort dry- 30 czenhundert jor dornoch in dem funff und sechzegisten jore, an sinte Dyonisii tage, 30 unser reyche in dem czwenzegistin und des keyserthums in dem eylften jore.

Per d. de Coldiez.

P. Jaurensis.